

水經注匯校

地710.1
886
:6



後魏鄺道元



汝水

汝水出河南梁縣勉鄉西天息山

地理志曰出高陵山即猛山也亦言出南陽魯陽縣之大孟山又言出弘農盧氏縣還歸山博物志曰汝出燕泉山並異名也余以永平中蒙除魯陽太守會上臺下列山川圖以方誌參差遂合尋其源流此等既非學徒難以取悉既在遺見閱案官本作逕見今不容不述今汝水西出魯陽縣之大孟山蒙柏谷巖鄣深高山岫邃密石徑崎嶇人蹟裁交西即盧氏界也其水東北流逕太和城西又東流

水經注匯校

卷二十一

一

逕其城北左右深松列植筠柏交蔭尹公度之所棲神處

也朱箋神仙傳尹軌字公度博學五經尤明天文星氣河洛讖緯晚乃學道年數百歲腰佩漆竹筒十數枚中皆有藥言可辟兵疫後到太和山中仙去又東屆堯山西嶺下水流兩分一水

東逕堯山南為湍水也即經所言湍水出堯山矣一水東北出為汝水歷蒙柏谷左右岫壑爭深山阜競高夾水層松茂柏傾山蔭渚故世人以名也津流不已北歷長白沙口狐白溪水注之夾岸沙漲若雪因以取名其水南出狐白川北流注汝水汝水又東北趣狼臯山者也

東南過其縣北

汝水自狼臯山東出峽謂之汝阨也東歷麻解城北故鄆鄉城也謂之蠻中左傳所謂單浮餘圍蠻氏蠻氏潰者也

杜預曰城在河南新城縣之東南伊洛之戎陸渾蠻氏城也俗以爲麻解城蓋蠻麻讀聲近故也汝水又逕周平城南京相璠曰霍陽山在周平城東南者也汝水又東與三屯谷水合水出南山北流逕石碣東柱側刊云河南界又有一碣題言洛陽南界碑柱相對既無年月竟不知何代所表也其水又北流注于汝水汝水又東與廣成澤水合水出狼臯山北澤中安帝永初元年以廣成遊獵地假與貧民元初二年鄧太后臨朝鄧騭兄弟輔政世士以爲文德可興武功宜廢寢蒐狩之禮息戰陣之法于時馬融以文武之道聖賢不墜五材之用無或可廢作廣成頌云大漢之初基也揆厥靈囿營于南郊右轡三塗左枕嵩嶽面

據衡陰背箕王屋浸以波澆演以滎洛金山石林殷起乎其中神泉側出丹水涅池怪石浮磬燿焜于其陂桓帝延熹元年校獵廣成遂幸函谷關其水自澤東南流逕溫泉南與溫泉水合溫水殷源閱案殷源官本作數源今依戴趙仍舊作殷源趙云殷盛也揚波于川左泉上華宇連蔭茨蕞交拒方塘石沼錯落其間頤道者多歸之其水東南流注廣成澤水澤水又東南入于汝水汝水又東得魯公水口水上承陽人城東魯公陂城古梁之陽人聚也秦滅東周徙其君于此陂水東南流合于澗水水出北山南流注之又亂流注于汝水汝水之右有霍陽聚汝水逕其北東合霍陽山水水出南山杜預曰河南梁縣有霍山者也其水東北流逕霍陽聚東世

謂之華浮城非也春秋左傳哀公四年楚侵梁及霍服虔曰梁霍周南鄙也建武二年世祖遣征虜將軍祭遵攻蠻中山賊張滿時厭新柏華餘賊合攻得霍陽聚卽此霍陽山水又逕梁城西按春秋周小邑也于戰國爲南梁矣故經云汝水逕其縣北俗謂之治城非也以北有注城故也今置治城縣治霍陽山水又東北流注于汝水汝水又東

左

閱案東字依戴本加左字趙依朱本作右今從官本戴本

合三里水水北出梁縣西

北而東南流逕其縣故城西故愚狐聚也地理志云秦滅西周徙其君于此因乃縣之杜預曰河南縣西南有梁城卽是縣也水又東南逕注城南司馬彪曰河南梁縣有注城史記魏文侯三十二年敗秦于注者也又與一水合水

水經注匯校

卷二十一

三

發注城東坂下東南流注三里水三里水又亂流入于汝汝水又東逕成安縣故城北按地理志潁川郡有成安縣侯國也史記建元以來功臣侯者年表曰漢武帝元朔五年校尉韓千秋擊南越死封其子韓延年爲成安侯卽此邑矣世謂之白泉城非也俗謬耳汝水又東爲周公渡藉承休之微號而有周公之嘉稱也汝水又東黃水注之水出梁山東南逕周承休縣故城東爲承休水縣故子南國也漢武帝元鼎四年幸洛陽巡省豫州觀于周室邈而無祀詢問耆老乃得孽子嘉封爲周子南君以奉周祀按汲冢古文謂衛將軍文子爲子南彌牟其後有子南勁紀年勁朝于魏後惠成王如衛命子南爲侯秦并六國衛最後

滅疑嘉是衛後故氏子南而稱君也初元五年爲周承休
邑地理志曰侯國也元帝置元始二年更曰鄭公王莽之
嘉美也故汝渡有周公之名蓋藉邑以納稱世謂之黃城
水曰黃水皆非也其水又東南逕白茅臺東又南逕梁瞿
鄉西世謂之期城非也按後漢書世祖自潁川往梁瞿鄉
馮魴先詣行所趙氏一清曰行所箋云當作行在所按春
秋經公朝于王所卽行所也不當妄改
卽是邑也水積爲陂世謂之黃陂東轉逕其城南東流右
合汝水

又東南過潁川郟縣南

汝水又東與張磨泉合水發北阜春夏水盛則南注汝水
汝水又東分爲西長湖湖水南北五十餘步東西三百步

水經注匯校

卷二十一

四

汝水又東扈澗水北出大劉山南逕木蓼堆東郟城西南
流入于汝汝水又右迤爲湖湖水南北八九十步東西四
五百步俗謂之東長湖湖水下入汝古養水也水出魯陽
縣北將孤山北長岡下數泉俱發東歷永仁三堆南又東
逕沙川世謂之沙水歷山符壘北又東逕沙亭南故養陰
里也司馬彪郡國志曰襄城有養陰里京相璠曰在襄城
郟縣西南養水名也俗以是水爲沙水故亦名之爲沙城
非也又城處水之陽而以陰爲稱更用惑焉但流雜閒居
裂漑互移致令川渠異容津途改狀故物望疑焉又右會
堇溝水水出沛公壘西六十許步蓋漢祖入關往征是由
故地擅斯自矣其水東北注養水養水又東北入東長湖

亂流注汝水也汝水又逕郟縣故城南春秋昭公十九年楚合尹子瑕之所城也激水注之水出魯陽縣之將孤山東南流許慎云水出南陽魯陽入父城從水敖聲趙氏一清曰說文繫傳作父呂忱字林亦言在魯陽激水東入父城縣與桓水會水出魯陽北山水有二源奇導于賈復城合為一瀆逕賈復城北復南擊郟所築也俗語訛謬謂之寡婦城水曰寡婦水此瀆水有窮通故有枯渠之稱焉其水東北流至父城縣北右注激水亂流又東北至郟入汝汝水又東南左合藍水水出陽翟縣重嶺山東南流逕紀氏城西有層臺謂之紀氏臺續漢書曰世祖車駕西征盜賊羣起郟令馮魴為賊延哀所攻力屈上詣紀氏羣賊自降即是

水經注匯校 卷二十一

處在郟城東北十餘里其水又東南流逕黃阜東而南入汝水汝水又東南流與白溝水合水出夏亭城西又南逕龍城西城西北即摩陂也縱廣可十五里魏青龍元年有龍見于郟之摩陂明帝幸陂觀龍于是改摩陂曰龍陂其城曰龍城其水又南入于汝水汝水又東南與龍山水會水出龍山龍溪北流際父城縣故城東昔楚平王大城城父以居太子建故杜預曰即襄城之父城縣也案原本訛作即襄城之城父縣也近刻又脫縣字左傳集解今本亦誤考楚之城父邑漢置縣改曰父城屬潁川郡晉屬襄城郡晉譙郡有城父縣漢屬沛郡是襄城郡漢晉皆不稱城父也今改正趙氏一清曰城父城本是二縣史記正義云潁川父城縣沛郡城父縣據郡屬馮異據之以降世祖用報巾縣其名自斯言最核也

車之恩也其水又東北流與二水合俱出龍山北流注之

又東北入于汝水汝水又東南逕襄城縣故城南王隱晉書地道記曰楚靈王築劉向說苑曰襄城君始封之日服翠衣帶玉佩徒倚于流水之上卽是水也楚大夫莊辛所說處後乃縣之呂后元年立孝惠後宮子義爲侯國王莽更名相成也黃帝嘗遇牧童于其野故嵇叔夜讚曰奇矣難測襄城小童倦遊六合來憩茲邦也其城南對汜城周襄王出鄭居汜卽是此城也春秋襄公二十六年楚伐鄭涉汜而歸杜預曰涉汝水于汜城下也晉襄城郡治京相璠曰周襄王居之故曰襄城也今置關于其下汝水又東南流逕西不羹城南春秋左傳昭公十二年楚靈王曰昔諸侯遠我而畏晉今我大城陳蔡不羹賦皆千乘諸侯其

水經注匯校

卷二十一

六

畏我乎東觀漢記曰車騎馬防以前參藥勤勞省闔增封侯國襄城羹亭千二百五十戶卽此亭也汝水又東南逕繁丘城南而東南出也

又東南過定陵縣北

湛水出犍縣北魚齒山西北東南流歷魚齒山下爲湛浦方五十餘步春秋襄公十六年晉伐楚報楊梁之役楚公子格及晉師戰于湛坂楚師敗績遂侵方城之外今水北悉枕翼山阜于父城東南湛水之北山有長阪蓋卽湛水以名坂故有湛坂之名也湛水又東南逕蒲城北京相璠曰昆陽縣北有蒲城蒲城北有湛水者是也湛水又東于汝水九曲北東入汝杜預亦以是水爲湛水矣周禮荊州

其浸潁湛鄭玄云未聞蓋偶有不照也今考地則不乖其
土言水則有符經文矣趙氏一清曰按漢志師古注曰潁水出陽城陽乾山宜屬豫州許慎
又云湛水豫州浸蓋川土相鄰故也至氏曰周禮職方荆
州之浸潁湛按湛是汝水支流而潁亦與汝互相出入之
水也又豫州之浸波漾波亦汝水支流然則汝雖不見于
禹貢未嘗不重於職方康成既不知湛水又不知波水非
善長之注汝水又東南逕定陵縣故城北漢成帝元延三
年封侍中衛尉淳于長為侯國王莽更之曰定城矣東觀
漢記曰光武擊王莽二公還到汝水上于涯以手飲水澡
頰塵垢謂傅俊曰今日疲倦諸君甯憊也即是水也水右
則潢水左入焉左則百尺溝出矣潢水夾岸層崇亦謂之
為百尺堤也自定陵城北通潁水于襄城縣潁盛則南播
汝洑則北注溝之東有澄潭號曰龍淵在汝北四里許南

水經注匯校

卷二十一

七

北百步東西二百步水至清深常不耗竭佳饒魚筍湖溢
則東注滌水矣汝水又東南昆水注之水出魯陽縣唐山
東南流逕昆陽縣故城西更始元年王莽徵天下能為兵
法者選練武衛招募猛士旌旗輜重千里不絕又驅諸獷
獸虎豹犀象之屬以助威武自秦漢出師之盛未嘗有也
世祖以數千兵徼之陽關諸將見尋邑兵盛反走入昆陽
世祖乃使成國上公王鳳廷尉大將軍王常留守夜與十
三騎出城南門收兵于鄧尋邑圍城數十重雲車十餘丈
瞰臨城中積弩亂發矢下如雨城中人負戶而汲王鳳請
降不許世祖師營部俱進頻破之乘勝以敢死三千人徑
衝尋邑兵敗其中堅于是水之上遂殺王尋城中亦鼓譟

而○出○中○外○合○勢○震○呼○動○天○地○會○大○雷○風○屋○瓦○皆○飛○莽○兵○大○
潰○昆○水○又○屈○逕○其○城○南○世○祖○建○武○中○封○侍○中○傅○俊○為○侯○國○
故○後○漢○郡○國○志○有○昆○陽○縣○蓋○藉○水○以○氏○縣○也○昆○水○又○東○逕○
定○陵○城○南○又○東○注○汝○水○汝○水○又○東○南○逕○奇○額○城○西○北○今○南○
潁○川○郡○治○也○潰○水○出○焉○世○亦○謂○之○大○灑○水○爾○雅○曰○河○有○雍○
汝○有○潰○然○則○潰○者○汝○別○也○故○其○下○夾○水○之○邑○猶○流○汝○陽○之○
名○是○或○潰○灑○之○聲○相○近○矣○亦○或○下○合○灑○潁○兼○統○厥○稱○耳○

又東南過鄆縣北

汝○水○逕○奇○額○城○西○東○南○流○其○城○衿○帶○兩○水○側○背○雙○流○汝○水○
又○東○南○流○逕○鄆○縣○故○城○北○故○魏○下○邑○也○史○記○楚○昭○陽○伐○魏○
取○鄆○是○也○汝○水○又○東○得○醴○水○口○
何云醴地理
注中作澧 水○出○南○陽○雒○

水經注匯校 卷二十一

縣何云漢書注載太原地志云即陳倉人所逐二童子名寶雞者雒立陳倉為石雌止此縣故名雒縣亦云

導源雒衡山即山海經云衡山也郭景純以為南岳非也

馬融廣成頌曰面據衡陰指謂是山在雒縣界故世謂之

雒衡山依山海經不言有水然醴水東流歷唐山下即高

鳳所隱之山也醴水又東南與皋水合水發皋山郭景純

言或作章山東流注于醴水醴水又東南逕唐城北南入

城而西流出城蓋因山以即稱矣醴水又屈而東南流

逕葉縣故城北春秋昭公十五年許遷于葉者也楚盛周

衰控霸南土欲爭強中國多築列城于北方以逼華夏故

號此城為萬城或作方字何云方城萬城說莫能定 閔案或作方字四字亦注中之小

注唐勒奏土論曰我是楚也案此語有舛誤世霸南土自越以至

葉垂引境萬里。故號曰萬城也。余按春秋屈完之在召陵對齊侯曰：楚國方城以爲城。杜預曰：方城山名也。在葉南未詳孰是。楚惠王以封諸梁子高，號曰葉公城。卽子高之故邑也。葉公好龍，神龍下之。河東王喬之爲葉令也，每月望常自詣臺朝帝，怪其來數而不見，車騎顯宗密令太史伺望之。言其臨至，輒有雙鳧從東南飛來。于是候鳧至，舉羅張之，但得一隻。鳧乃詔尙方診視，則四年中所賜尙書官屬履也。每當朝時，葉門下鼓不擊，自鳴聞于京師。後天下玉棺于堂前，吏民推排終不搖動。喬曰：天帝獨欲召我耶？乃沐浴服飾寢其中，蓋便立覆宿。昔葬于城東土自成墳，其夕縣中牛皆流汗喘乏，而人無知者。百姓爲立廟號。

水經注匯校 卷二十一

九

葉君祠。牧守每班錄，皆先謁拜之。吏民祈禱無不如應。若有違犯，亦立能爲崇帝，乃迎取其鼓，置都亭下，略無復聲焉。或云卽古仙人王喬也。是以干氏書之于神化。朱箋神化干寶

搜神記

醴水又逕其城東，與燒車水合。水西出苦菜山，東

流側葉城南而下。注醴水醴水又東，逕葉公廟北。廟前有沈子高諸梁碑，舊秦漢之世，廟道有雙闕，几筵黃巾之亂，殘毀積闕。魏太和景初中，令長脩飾舊宇，後長汝南陳晞以正始元年立碑，碑字破落遺文殆存。事見其碑。朱箋皇覽曰：葉縣西北去城三里，葉公諸梁冢近縣，祠之曰葉君。醴水又東，與葉西陂水會。縣南有方城山，屈完所謂楚國方城以爲城者也。山有湧泉，北流畜之以爲陂。陂塘方二里，陂水散流，又東逕葉城南而

東北注醴水醴水又東注葉陂陂東西十里南北七里二
陂並諸梁之所竭也陂水又東逕濩陽縣故城北又東逕
定陵城南東與芹溝水合其水導源葉縣東逕濩陽城北
又東逕定陵縣南又東南流注醴其水逕流昆醴之間纏
絡四縣之中疑卽呂忱所謂峴水也今于定陵更無別水
惟是水可當之醴水東逕鄧縣故城南左入汝山海經曰
醴水東流注于泚水也汝水又東南流逕鄧城西春秋左
傳桓公二年蔡侯鄭伯會于鄧者也汝水又東南流濩水
注之

又東南過汝南上蔡縣西

汝南郡楚之別也漢高祖四年置王莽改郡曰汝汾縣故

水經注匯校

卷二十一

十

蔡國周武王克殷封其弟叔度于蔡世本曰上蔡也九江
有下蔡故稱上竹書紀年曰魏章率師及鄭師伐楚取上

蔡者也永初

何云據後漢鄧禹傳當作建光

元年安帝封鄧騭爲侯國汝

水又東逕懸瓠城北王智深云汝南太守周矜起義于懸
瓠者是矣今豫州刺史汝南郡治城之西北汝水枝別左
出西北流又屈西東轉又西南會汝形若垂瓠者彥云城
北名馬灣中有地數頃上有栗園栗小殊不並固安之實
也然歲貢三百石以充天府水渚卽栗州也樹木高茂望
若屯雲積氣矣林中有栗堂射堦甚閒敞牧宰及英彥多
所遊薄其城上西北隅高祖以太和中幸懸瓠平南王肅
起高臺于小城建層樓于隅阿下際水湄降眺栗渚左右

列樹四周參差競峙奇為佳觀也

又東南過平輿縣南

溱水出浮石嶺北青衣山亦謂之青衣水也東南逕朗陵縣故城西應劭曰西南有朗陵山縣以氏焉世祖建武中封城門校尉臧宮為侯國也溱水又南屈逕其縣南又東北逕北宜春縣故城北王莽更名之為宣孱也豫章有宜春故加北矣元初三年安帝封后父侍中閭暢為侯國溱水又東北逕馬香城北又東北入汝汝水又東南逕平輿縣南安成縣故城北王莽更名至成也漢武帝元光六年封長沙定王子劉蒼為侯國矣趙氏一清曰長沙國有安隱謂在豫章郡非汝水又東南陂水注之水首受慎水于慎陽縣

水經注匯校

卷二十一

七

故城南陂趙氏一清曰漢志慎陽縣師古曰慎字本作瀆音真關駟云永平五年失印更刻遂誤以水為

心陂水兩分一水自陂北遶慎陽城四周城塹潁川荀淑遇縣人黃叔度于逆旅與語移日曰子吾師表也范奕論曰黃憲言論風旨無所傳聞然士君子見之者靡不服深遠去疵吝將以道周性全無得而稱乎塹水又自瀆東北流注北陂一水自陂東北流積為鰲陂陂水又東北又結而為陂世謂之窖陂陂水上承慎陽縣北陂東北流積而為土陂陂水又東為窖陂陂水又東南流注壁陂陂水又東北為太陂陂水又東入汝汝水又東南逕平陵亭北又東南逕陽遂鄉北汝水又東逕櫟亭北春秋之棘櫟也任預曰汝陰新蔡縣東北有櫟亭今城在新蔡故城西北城

北半淪水汝水又東南逕新蔡縣故城南昔管蔡間王室
放蔡叔而遷之其子胡能率德易行周公舉之爲卿士以
見于王王命之以蔡申呂地也以奉叔度祀是爲蔡仲矣
宋忠曰故名其地爲新蔡王莽所謂新遷者也世祖建武
二十八年封吳國爲侯國汝南先賢傳曰新蔡鄭敬字次
都爲郡功曹都尉高懿廳事前有槐樹白露類甘露者懿
問掾屬皆言是甘露敬獨曰明府政未能致甘露但樹汁
耳懿不悅託疾而去汝水又東南左會潁水水上承汝水
別流于奇頽城東東南流爲練溝逕召陵縣西東南流至
上蔡西岡北閱案官本作注至上蔡西岡北趙本去至字今從戴本爲黃陵陂陂水
東流于上蔡岡東爲蔡塘又東逕平輿縣故城南爲潁水

水經注匯校

卷二十一

十一

縣舊沈國也有沈亭春秋定公四年蔡滅沈以沈子嘉歸
後楚以爲縣史記曰秦將李信攻平輿敗之者也建武三
十年世祖封銚統爲侯國本汝南郡治昔費長房爲市吏
見王壺公懸壺郡市長房從之因而自遠同入此壺隱淪
仙路骨謝懷靈無會而返雖能役使鬼神而終同物化城
南里餘有神廟世謂之張明府祠水旱之不節則禱之廟
前有圭碑文字紊碎不可復尋碑側有小石函按桂陽先
賢畫讚臨武張熹字季智爲平輿令時天大旱熹躬禱雩
未獲嘉應乃積薪自焚主簿侯崇小吏張化從熹焚焉火
既燎天靈感應卽澍雨此熹自焚處也潁水又東南左迤
爲葛陂陂方數十里水物含靈多所苞育昔費長房投杖

于陂而龍變所在也。又劾東海君子是陂矣。陂水東出爲
鰲水。俗謂之三丈陂。亦曰三巖水。水逕鰲陽縣故城南。應
劭曰：縣在鰲水之陽。趙氏一清曰：漢志汝南郡鰲陽縣孟
康曰：音紂。此是缺誤。師古章懷音訓
並承其失。據太平寰宇記：蔡州新蔡縣下云：鰲音紂。漢
紅反。說文：鰲直龍切。此與紂紅之音相近。爲可證也。漢明
帝永平中封衛尉陰興子慶爲侯國也。縣有葛陵城。建武
十五年更封安成侯銚丹爲侯國。城之東北有楚武王家。
民謂之楚琴。趙氏一清曰：皇覽民謂之楚王岑蓋山陵
之異名。朱箋三十二卷注云：楚人謂冢
爲琴。六安縣都陂中有大家民傳曰：公琴卽泉陶冢也。
閔案岑琴聲近音是琴字義是岑字故二說可相通。城
北祝社里下土中得銅鼎。銘云：楚武王是知武王隧也。鰲
陂東注爲富水。水積之處謂之陂塘。津渠交絡。枝布川隰
矣。瀘水自葛陂東南逕新蔡縣故城東而東南流注于汝。

汝水又東南逕下桑里左。池爲橫塘。陂又東北爲青陂者
也。汝水又東南逕壺丘城北。故陳地。春秋左傳：文公九年
楚侵陳，克壺丘，以其服于晉是也。汝水又東與青陂合。水
上承慎水于慎陽縣之上。慎陂右溝北注馬城。陂西有
黃丘亭。陂水又東逕新息亭北。又東爲網陂。陂水又東逕
新息縣。結爲牆。陂水又東逕遂鄉東南而爲壁陂。又東
爲青陂。陂東對大呂亭。春秋外傳曰：當成周時，南有荆蠻
申呂姜姓矣。蔡平侯始封也。西南有小呂亭。故此稱大也。
側陂南有青陂廟。廟前有陂。漢靈帝建甯三年，新蔡長河
南緱氏李言上請脩復青陂。司徒臣訓、尚書臣龔奏可。洛
陽宮于青陂東塘南樹碑，碑稱青陂在縣坤地，源起桐柏。

淮川別流入于潺湲。逕新息牆陂，衍入襄信界，灌溉五百餘頃。陂水又東，分爲二水：一水南入淮，一水東南逕白亭北。又東逕吳城南。史記楚惠王二年，子西召太子建之子勝于吳，勝入居之，故曰吳城也。又東北屈逕壺丘，東而北流，注于汝水。世謂之薄溪水。汝水又東逕襄信縣故城北，而東注矣。

又東至原鹿縣

汝水又東南逕縣故城西。杜預釋地曰：汝陰有原鹿縣也，南入于淮。

所謂汝口側水有汝口，成淮汝之交會也。

水經注匯校卷二十一終

水經注匯校

卷二十一

十四